



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 12. De peccatis contrariis Charitati in proximu[m],

[urn:nbn:de:hbz:466:1-78477](#)

C A P V T XII.

De peccatis contrariis charitati in proximum.

S U M M A R I U M .

- 110 Peccata charitati in proximum contraria.
 111 In quo consistat schisma, & differatur ab heresi, tum ab inobedientia.
 112 Duplex Ecclesia vnio, & nexus.
 113 Schisma peccatum est grauissimum.
 114 De odio proximi, quid sit, & quando non sit peccatum hinc velle malum.
 115 Tenemur diligere inimicos, quatenus sunt homines.
 116 Velle inimico malum, prout malum est, peccatum est de se mortale, contra proprum de dilectione proximi.
 117 Quando neganda sit absolutio iis, qui sentiunt motum odii.
 118 Operare inimico aliquid oppositum certa sua saluti, est de se mortale.
 119 Quaratione licet optare inimico malum temporale, aut de ipsius bono temporali dolere.
 120 Non licere pariratione malum inimico inferre.
 121 Non licere excludere ipsum, quando exercentur actus generales dilectionis, sive sint orationes, sive alia charitatis operae.
 122 Ut ad amici, sic ad inimici dilectionem elicendam tenemur tantum cum necessitas erit.
 123 Obligatio exhibendi inimico eterna signa dilectionis.
 124 Allocutio, & salutatio, & familiaritas, quando negari possint inimico, & quomodo se gerere debeat Confessorius cum negante.
 125 Quae ratio habenda sit scandali in predicta negatione signorum.
 126 Quatenus talis negotio superioribus licita sit.
 127 Definitio inuidie, quam separat primo ab ordinata tristitia de bono proximi, que contingit tribus modis.
 128 Separat ab aliis tristitis inordinatis.
 129 Inuidia peccatum est mortale suo genere.
 130 Filia inuidie.
 131 Discordia quando sit, vel non sit peccatum contrarium paci, de qua D. Paulus dat praeceptum.
 132 Discordia quando sit contracharitatem, & quando sit peccatum mortale.
 133 Quae si malitia contentione posita in contrarietate iudiciorum.
 134 Quae sit posita in contrarietate verborum.

III. **C**ONTRA hanc charitatem peccata dantur, tum per excessum tum per defectum. Per excessum enim contra eam peccatur, cum quis ob amorem proximi facit aliquid contra Deum aut contra propriam salutem: cum non licet pro salute etiam totius mundi peccatum voluntum committere. Per defectum vero peccatur, tum contra publicum bonum multorum, per schisma: tum contra priuatum aliquius: idque tum interiore affectu per odium vel inuidiam, tum exteriori actu per scandalum & discordiam ex eaque prouenientem contentionem. De quibus cum D. Thoma, tanquam charitati contrariis, dicendum nobis est, omisis iis quae ad scandalum spectant: de quo sufficienter ad nostrum institutum, iam dictum est in precedentibus. 14. parte prioris capituli quatuor.

De schismate.

S E C T I O I .

III. **D**E hoc latius D. Thomas & interpretes ipsius 2. 2. quæst. 39. Consistit autem schisma, vt habetur ex Bulla Cœnæ Domini, in eo quod quis pertinaciter subtrahat se, ac recedat ab obedientia uniusversalis Ecclesiae, vel Summi Pontificis, qui est caput illius. Ac plerunque habet adiunctam heretum, sed non semper. Habet quidem cum oritur ex aliquo errore intellectus contrario fidei: qualis est quo creditur, nullam esse obligationem obedienti Ecclesiae aut Summi Pontifici. Non habet vero, cum sine aliquo errore contra fidem, recedit quis ab Ec-

clesia & Summi Pontificis obedientia: per depravatam voluntatem: sive ab heresi in se differt, quod sit contra charitatem, & heres contra fidem: omnisque hereticus sit quoque schismaticus, non contra. Semper vero coniunctam habet inobedientiam: ita ut omnis schismaticus sit inobediens: non vero omnis inobediens sit schismaticus. Et ratio est, quia inobediens generaliter dicitur quicumque non seruat membrorum sui Superioris: cum schismaticus dicatur tantum ille qui per suam inobedientiam discedit Ecclesia unionem & nexus, quem membra Ecclesia habent ad inuicem cum capite suo visibili Vicario Christi in terris.

112. **V**bi aduerte Ecclesiam habere duplum unionem & nexus: unum cum capite inuisibili Christo per fidem, spem, & charitatem, ac gratiam iustificantem: qui nexus quod charitatem & gratiam iustificantem, dissoluitur per quodcumque peccatum mortale: quod fidem vero & spem, per peccata illis contraria, de quibus dictum est in precedentibus tractatus.

Alterum vero nexus habere visibilem & externum; utpote quem eiusdem Ecclesia membra visibilia habent in se, & cum suo capite visibili Summo Pontifice, Christiani terris Vicario: isque dissoluitur per schisma. Sequitur autem ex dictis quod quis possit inobedientem dicitratione vniuersitatis Superioris, non item schismaticus (saltem proprie prout alii citatis not. Sanchez in opere moralib. 2. cap. 36. num. 6.) sed cum ratione totius Ecclesie & visibilis capitum ipsius, Summi, inquam, Pontificis.

Porro schisma peccatum esse grauissimum, satis ostendit pena grauissima excommunicationis reseruatae in Bulla Cœnæ Domini qua punitur, etiamsi hereticus adiunctam non habeat: ut ex eo probatur, quod adiunctam habens, subiiciatur iisdem penis quibus hereticus ipsa: & ideo non esset ratio, cur in ipsa Bulla Cœnæ Domini, talis excommunicatione ponetur ut diuersa ab illa, quæ hereticus punitur. Vide dicta in precedentibus lib. 9. num. 258. & tribus sequentibus.

De odio proximi.

S E C T I O II .

Quid proximi vocatur, quo malum ipsius desideratur: ut contigit maxime, cum ipse est inimicus, seu talis qui nos iniuste offendit, aut odio prosecutus sit. Quanquam nec semper est peccatum, tali malum desiderare. Quando vero sit aut non sit, iudicandum est ex obligatione diligendi inimicos, de qua nota sunt sequentia documenta.

Documenta de obligatione diligendi inimicos.

Primum est. Inimicus ut inimicus, seu quod inimicitiam quam exercit, ut culpm quam commisit, diligendus non est: sed odio prosequendus. Istud est Caiet. in verbo Odium; Tabienæ, in verbo Charitas §. 12. & Syl. eod. verbo, quæst. 4. Bannes 2. 2. q. 25. art. 9. in principio. Probatur autem, quia diligere hoc modo, esset diligere culpam, quæ potius habenda est odio; iuxta illud in cap. Odio, dist. 86. Odio habentur peccata, non homines. Sic enim in Psal. 118. ait David Iniquos odio habui] & Psal. 138. Perfecto odio oderam illos.] Hinc si quis in praesentia inimici recordatus iniurie accepta, commouetur in illum; videndum est, ea ea commotio sit doloris, quod ille iniuriam intulerit, quodq; ipse qui commouetur, eam passus sit: an vero voluntas ipsius ulterius progrediatur, ad malum alteri illi, ea de causa optandum. In priore causa enim, non est censendum committit mortale: cum talis commotio non sit odium proximi, etiamsi censeri possit peccatum veniale ex eo, quod locus passionis plus iusto sit. In posteriore autem causa (quia non licet ea de causa malum operare ei, qui diligere præcipitur expresse Matth. cap. 5. sub finem) committitur peccatum mortale, si malum quod optatur sit graue. Quinimo tanquam valde periculosis, modus prioris casus videtur vitandus: cum fa-

cile ex eo deueniatur ad odijum proximi, praesertim a virtus parum timoratis.

115. Secundum documentum. Per praeceptum de dilectione proximi, tenemur diligere inimicos ut homines; hoc est, diligere homines eos qui nos oderunt, affecteruntve iniuriam. Hoc patet: quia illi per hoc non definiunt & de nostri proximi, dum vitam hanc adhuc agunt, & ideo praecepto de proximo diligendo; perinde continentur ac quanto & septimo praecepto Decalogi, que in illo includuntur ex cap. 22. D. Matth. verf. 40. & ex Epist. ad Romanos cap. 13. verfu 9. Ob quam causam non licet occidere ipsos, ne res ipsorum furari.

116. Tertium documentum. Odium inimici, quo quis optat ei aliquod malum, prout malum (seu, quid id est, sifendo in ipso malo nec procedendo ad aliam rationem), ob quam iustum sit eundem inimicum tale quid pati) peccatum esse contra praeceptum de dilectione proximi, vt de se patet; ideoque ex suo genere mortale, a quo cumque exercetur, nisi paruitas materiae, mali scilicet optati, aut defectus plena deliberationis excusat. Ita solent docere Summularii in verbo Charitas, & in verbo Odium, & in verbo Vindicta. Ideo vero addimus, a quicunque exercetur, ad comprehendendum eum etiam, qui et si non est Iesus ab alio, etiam tamen prosequitur odio: quandoquidem in eo reuera aduersatur praecepto de proximi dilectione.

117. Inadeque est, quod etiam si Iudex alicui mortem iuste infligit, si tamen tale malum vellet proximo, sifendo in eo, quod sifili malum, coque nomine, non autem alia iusta de causa, gaudendo: quantumuis non peccet contra iustitiam, peccat tamen mortaliter contra charitatem in proximum. Idemque dicendum est de eo, qui habet ius petendi in iudicio iustum poenam pro iniuria ab alio accepta. Nam quamvis possit licet petere & desiderare vt infligatur illi poena ea, quam iustum est ipsum pro delicto suo pati ad commune bonum: nimis in ea ratione alii a similibus criminibus recouentur; aut ob aliud iustum finis: nihil minus tale quid petere aut desiderare, sifendo in eo, vt est malum proximi, & sub ea ratione deo gaudere, peccatum est mortale; non quidem contra iustitiam, sed contra charitatem in proximum.

Quo fit vt periculorum sit prosequi lites & actiones iniuriarum: ita vt ordinarie suadendum sit desistere ab eis: & Confessarii dum agunt cum illis qui tales causas persequuntur, examinare debent, quo illi animo id faciant nec illos absoluere, si inueniantur prauam, iuxta antedicta, habere voluntatem, nisi cam deponant moniti: cum non satis sit ore dicere, quod solum querant iustum satisfactionem, aut inimico emendationem, aliorumque bonum exemplum: sed opus adhuc sit vt sentiantur voluntate sua omnino abesse prae dictum affectum prauam. Aduerter autem motum odij in parte sensuia, sine confusu voluntatis, non impedit absolutionem: nec item inclinationem voluntatis ad odijum ex recordatione iniuria, si consensus desit. De qua re nonnunquam expedie dicens Poenitentem, ne per conscientiam erroneam delinquat: cauendo interea ne forte ille non satis capiendo quod ei dicitur, concipiatur opinionem, qua putet licere aliquid in hac parte, quod reuera est illicitem.

118. Quartum documentum. Mortale est contra proximi charitatem, absolute velle inimicis carentiam beatitudinis, vel gratiae, lapsum in peccatum, penas eternas, vel humili modi alia, que pugnant cum beatitudine & mediis ad eam necessariis. Hoc communiter receptum est. Et patet: quia cum teneamur proximos ex charitate diligere, possumus in ordine ad beatitudinem (iuxta antedicta in fine capituli noni) contra talen obligacionem directe est, proximis ipsis velle mala eidem beatitudini opponere, & per consequens peccatum est contra charitatem, adeoque mortale ex suo genere, iuxta antehabita in eodem cap. 9. Ideo autem in hoc documento additum est, absolute, quia si ex suppositione aliquis non est coeterrendus, sed additurus peccata peccatis, ac futurus alii nocitius; velle ex eo respectu, vt ad infernum citius eat, non est illius odijum, cum id sit optare bonum ipsius priuatum, ne scilicet gratius puniatur.

Quintum documentum. Seper numero licet non solum initia sed etiam aliis peius suis hominibus velle malum temporale etiam mortis: & de ipsorum prosperitate dolere intus boni finis. Inferre autem illis malum, nunquam licet, nisi peculiari ratione ad id ius, vel facultas habeatur. Hoc quod pioiem partem, pater in tribus casibus. Primus est, quando tale quid volumus ob publicum bonum multorum, sic enim licet motu optare haeresiarchae, iuxta illud ad Galatas cap. 5. Utinam abscondatur qui vos conturbant? Secundus est, quando quis tale quid vult ob spirituale bonum illius cui vult, iuxta illud Psalm. 82. Impie facies eorum ignorantia & querent non men tuum Domine. Tertius, quando vult non ex odio, sed ex zelo iustitiae, id est, quia desiderari iustitiam servari: iuxta illud Psalm. 57. Latabitur iustus cum viderit vindictam.]

Quod attinet ad partem posteriorem ea probatur: quia ne quidem iusta, & a quo quam ius habet, vindicta propria iniuria licita est, nisi sit auctoritate publica. Multo minus igitur cuicunque licitum erit malum inferre proximo, cum nullum ius habuerit ad inferendum. Nec obstat quod ex antedictis licet temporale malum proximi optare ob ipsius bonum spiritale. Nam non valet haec consequentia; licitum est optare proximis aliquod malum. Ergo licitum est eis illud inferre; saepe enim fit, vt in iudiciale malum iustitia, in cuius desiderio est charitas. Neque si licitum sit malum optare proximis ad bonum finem, licet optare vt illud quavis via adueniat, sed solum via licita. Quod si in cito via aduenire contingat; licitum est quidem gaudere de ipso effectu, quem licite optauimus, non autem de via qua aduenit. Atque hinc intelligitur, quod si quis cognoscet desiderio ad salutem spiritalem, vitaque aeterna consecutionem maxime conferre, ut ipse per iustum Iudicis sententiam morte violenta plectatur, aut naturali morte cito de medio tollatur: vel incurrit in aliquod graue infortunium: licet id optare illi: imo & respectu id petere a Deo: non solum cum fuerit sceleratus, sed etiam cum iustus: vt si infans baptizatus capiat ab infidelibus, verendumque sit ne ab illis pervertatur, licet mortem ipsius, antequam ad usum rationis perueniat, optare ei conditione saltem, ne pervertatur, nam in eo non peccatur contra praeceptum de dilectione proximi: quia id non est velle ipsius malum, sed maius ipsius bonum. De plurimis aliis similibus casibus idem iudicandum est: vt de eo, quo quis sibi aut filiis optat, & petet. Deo mortem sub conditione si futuri sint mali, & peruersi.

Sextum documentum. Præcepto de dilectione proximi, non solum tenemur nolle malum eidem proximo iuxta antedicta; sed etiam quoties elicimus in genere aetatum dilectionis proximi, tenemur non excludere inimicos adeo vt talis exclusio peccatum sit suo genere mortale, vt pote contrarium charitati. Istud est D. Thomas 2. 2. quest. 25. art. 8. Ex quo intelligitur peccatum esse mortale, si quis in oratione Dominica dicendo Panem nostrum quotidianum da nobis hodie; mente, ab ea petitione excluderet inimicos, aut offerendo orationem aliquam pro Christianis in communione, excluderet Christianos sibi inimicos, aut si pro communitate aliqua, excluderet aliquem de ea sibi inimicum.

Attamen si quis oraret pro solis amicis, non quidem in odijum inimicorum, sed de eius affectu particulari amicitiae, tunc quia in illo genere hominum inimici non continentur, non peccaret non orando pro eis. Adverte autem documentum hoc intelligendum esse, quando non est licitum optare inimico oppositus eius quod petimus. Si enim oraret quis pro vincitis vt e carceri liberentur, & esset inter eos inimicus, quem iuste optat non liberari, sed suspendi, non erit illicitum ab ea in uersali petitione illum excipere sub ea conditione, qua licet mortem ei optare.

Quod autem dictum est de orante, pars ratione dicendum est de legante; nempe quod si quis legans aliquid alicui communione intus comunitatis, excluderet a parti-

cipatione talis legati aliquem de ea sibi inimicum; peccat contra praeceptum de dilectione proximi: non autem si leger intuitu particularium personarum, quæ sint de eadem communitate. Nam omittens inimicos, vt non peccat contra iustitiam quia illis non tollit suum: ita nec contra charitatem: quæ non laeditur ex eo, quod volens liberaliter exercere in aliquo de tali communitate non velit in omnibus: eo maxime nomine quod sint indiggni, vt censentur inimici. Hæc doctrina est Abulensis ad cap. 5. D. Matth. quæst. 48.

Cuiadie in visu fori penitentialis reuocandos esse homines, etiam à posteriori modi exclusione inimicorum, cum sit contraria Christi confilio, Benefacite iis qui oderunt vos, & orate pro persequentibus & calumniantibus vos.] Sitque valde periculosa ac sepe procedat ab odio mortali, quo inimici inferrentur maiora mala, si potestas adefset. Atque vt paucum talis exclusio possit scandalum generare, ac tanquam de se aperte ad inimicos exacerbando, incitat ad odium preterquerre ad iram. Ex quibus tanquam occasionibus peccandi mortaliter, interdum moueri potest Confessarius ad negandam absolutionem nolenti abstinerre ab eiusmodi exclusione.

122. Septimum documentum: secluso tempore necessitatis, non tenemur de præcepto (etsi consiliū sit & perfectio) acte elicto inimicos peculiariter diligere, aut eis benefacere. Hoc probatur: quia non plu tenemur diligere inimicos, quam amicos: vt enim hos, sic & illos diligere tenemur tantum ex generali præcepto de dilectione proximi. Extra articulum autem necessitatis non tenemur ex eo præcepto elicere auctum dilectionis amici, vel ei benefacere: quia cum sit præceptum affirmatum, obligat tantum pro tempore necessitatis proximi tantæ, vt ipsa requirat illius adimpletionem. Quanta vero esse debet talis necessitas; vt omisso eiusdem præcepti peccatum mortale censetur, intelligendum est ex iis, quæde elemosyna tradita sunt in precedentib. 4. cap. 20.

123. Octauum documentum. Tenemur inimicos diligere non tantum interiori affectu, iuxta antedicta; sed etiam exteriori effectu, per quem exhibemus signum sufficiens talis affectus. Itud habet D. Thom. 2.2. quæst. 25. art. 9. & confirmata per illud Proverb. 25. Si inimicus tuus esurior, ciba illum.] Notandum est autem figura dilectionis duplicita esse: quædam generalia, quorum rationes & causa inueniuntur tam in amico, quam in inimico: vt inter partes resalutare salutante: quædam vero specialia, quorum rationes & causa sunt in amico, non item in inimico: vt familiaris conuersatio, coniunctus, &c. Atq; signa prioris generis non posse denegari sine peccato contra præceptum dilectionis proximi prout pater ex præced. documento 6. Nam à proximi dilectione in communi, excluderetur inimicus. Signa vero posterioris generis non esse necessario exhibenda inimico, nisi ratione alcuīus causæ adiunctorum: vt si daretur alioqui scandalum, puta quia certi putarent inimicitiam in corde soueti: vel si virgeret necessitas; seu quia proximus pateretur necessitatem aliquam sive corporalem, sive spiritualem, quæ requirat eiusmodi signum.

Hinc collige propriæ, interdum peccatum esse mortale, nolle ostendere inimico signa particularia dilectionis; vt quando speraretur inde emendatio ipsius. Interdum vero peccatum mortale esse talia signa ostendere: vt cum putatur inde maiore odio inflammatus idem inimicus. Extra casus vero scandali & proprieitate necessitatis, id ipsum de se nullum peccatum esse: vt pote tantummodo positum in consilio.

124. Atque hinc sequitur illud quod tradunt Nauarr. in Euchir. cap. 14. num. 25. Sylva, verbo Charitas quæst. 6. Caiet. 2.2. quæst. 25. ad art. 8. & 9. sub finem; nempe nos non teneri (quamvis consiliū sit seu perfectionis) colloqui familiariter cum inimico, & multo minus ei conuertere, vel eum aliter admittere ad familiaritatem, etiamsi ante familiariis fuerit; præcipue, vt Nauarr. addit, cum non vult satisfacere iniuriam quam intulit. Ratio horum est, quod ille non patiatur talium necessitatem, & præceptum de dilectione proximi obliget solum pro tempore necessitatis. Sicut igit-

tur possumus amicis talia negare: quia ex liberalitate, non ex necessitate, illis ea exhibemus ita etiam negare possumus inimicis.

Qua de causa, inquit illi, quando non constiterit de necessitate talia exhibendi, non licebit absolutionem sacramentalē denegare recusanti ea exhibere: etiam si Confessarius debeat nihilominus prius examinare diligenter, an id ex odio mortali proueniat; serioque Penitentem admonere, quod si odium retineat, non modo non valeat ei absolutionis, sed acceptance illius constitui in deteriore statu. Neque facile credendum est dicunt, quod odium non retineat, nolens exhibere signa dilectionis, si usque ad illud tempus odium ipsum fouverit, nec se emendauerit per præcedentem confessionem: aut ea de causa confessionem distulerit, nec villes sufficientem adferat rationem cur melius sit à talium signorum exhibitione abstinere, quam ea exhibere nihilque eo moueat, quod Christus, ad cuius Tribunal efficitur, tantopere nobis commendauerit inimicorum dilectionem; non tantum in affectu interno, sed etiam in effectu externo. Benefacite, inquit Matth. 5. iis qui oderunt vos, &c.]

125. Adde magnam rationem esse habendum scandalum quod ille tenet virare. Si enim ipsum tale sit, quod prudentis arbitrio (spectatis circumstantiis, & iis que de scando tradis solent) aliter vitare nequeat quam inimico signa dilectionis exhibendo, recusans exhibere non esset absoluendus. Non est vero existimandum originem scandalum eo ipso, quod quis eam familiaritatem non habeat cum aliquo, quam ante inimicitiam habuit, dummodo eum salutem necallat qui recusat. Nam ad illam non tenetur, & allocutio ac salutatio satis indicant odium non perseuerare. Item si quis ante inimicitiam non alloquebatur, nec salutabat inimicum, non erit exigendum ab eo, vt post inimicitiam eum alloqueatur & salutet; sed satis est, vt si vel inimicus ipse, vel alij putent odium in ipso manere, tollat eiusmodi existimationem, sive per se, sive per alium affirmando contrarium, etiam iurando, si opus sit.

Porro qui passus est iniuriam videtur satis obuiare scandalum, si manifeste ostendat se paratum esse ad mutuum colloquium. Consentaneum est enim, vt is qui intulit, cogatur incipere. Cuperenti veniam, non tenetur quidem concedere remissionem satisfactionis facienda pro illa iniuria, vt non ant Sylust. & Tabensis in verbo Charitas; ille quæst. 6. & hic §. 14. ac Nauarr. in Euchir. cap. 14. num. 25. tenetur tamen depondere odium, simulque ostendere quod deposituerit; alioqui enim dare scandalum; de qua re Banres 2.2. quæst. 25. art. 9. dub. 4.

Restat monendum, nonnullis, ut magnis Prelatis, & Principibus, in pacem subditorum delinquentium, & in exemplum aliorum, licitum esse illos non alloqui quantum temporis iuxta cōcurrentes circumstantias videretur expellere, ad bonum & pacem ipsorum, atque aliorum exemplum. Pro quo facit exemplum Davidis, qui 2. Regum 11. licet concesserit Absalonem filium reuerti in Ierusalem; addidit tamen, Faciem meam non videat.] nec per duos annos est ipsum allocutus. Non existit tamen propterea Superioris licere sibi odio habere subditos delinquentes, & huiusmodi penas quantum voluerint extenderit. Nam si tale odium retineant, absoluendi non sunt: nec item si ex austerritate nimia, nimio temporis spatio alloqui nolint, ita vt aliorum scandalum inde oriatur, existimando fuerit odium.

De Inuidia.

S E C T I O N I I I .

127. DE hac tanquam dilectioni proximi contraria D. Thomas agit 2.2. quæst. 36. Definiri autem potest tristitia inordinata de bono proximi, vt est excellentia proprie diminuendum. Cuius definitionis prior pars, à ratione inuidia excludit tristitiam ordinatam de bono proximi, ad quam sepe caritas vel iustitia inclinat; qualis tristitia censetur primo, quæ ideo concipitur, quod timeamus occasione boni, quod quis consecutus est, prouenturum esse malum: vt quod electus in Iudicem, occasione accepte

pote-

poteſtatis probabilitate commiſſus ſit multas iniuſtitias. Dico probabilitate, quia non afficeret leuis ſufpicio ad excuſandam inordinationem. Dico etiam iniuſtitiam: quia inordinata eſſet triftitia de tali elecione concepta, eo quod elecitus iuſtit pœnū caſtigatur fit ſortes. Quia in re pro regula teneri potest, Tunc triftitiam ceneſitatem ordinatam, cum eſt ob cauſam, ob quam proximus liceat priuareetur tali bono, non alias.

Cenſetur secundo ordinata triftitia, quæ concipiatur de bono proximi; non quia in illo eſt, ſed quia in nobis non eſt; optando nobis illud debitum finem: ut cum video a gentem penitentiam, deuotum ac religiſum, & triftor; non quod ipſe talis fit, ſed quod ego non ſim. Hæc eſt illa ſancta amulatio, quam D. Paulus nobis commendat, in quenam in priori ad Corinth. cap. 12. Amulamini charifmata meliora. [& cap. 14. Se etiamini charitatem, amulamini spirituallia.] Item non habens unde poſſit familiam alere, & videns alios ſibi aequalē habere, ſi triftetur quod tali commoditytate caret, non eſt de ſe malum.

Cenſerit tertio potest ordinata triftitia quæ eſt ob bonum aliquem finem, de cuius temporali bono, cuius is indignus eſt arbitrio prudentis, expeditis concurrentes circumſtātias. Quod si bonius finis deſtit, peccatum eſtit; non tanquam mortale: niſi eo prærumptat, ut Deus arguitur iniuſtitia, tanquam male diſtribuens bona: quod eſt blasphemia gratiſima. Et ratio eſti quia temporalium bonitatis adeo exigua eſt, ut pro nulla pene reputetur, vide Caiet. ad art. 2. citata quæſt. 36.

Posterior pars definitionis separat iniuidiam ab alijs inordinatis triftitiis de bono proximi aequalē ſunt antedictis ordinatis oppoſite triftitiae de bono ipſo proximi, prout ipſe eſt bene viſus illo: aut ſimpliſter prout illud in ipſo eſt: et iam ſi illo dignus fit. Simul etiam indicat eadem pars, ad iniuidam rationem ſpectare: ut ex ea tanquam ex cauſa & motivo proueniat, quod nobis videatur ex excellentiam noſtram minui per alterius bonum: unde contingat, ut is qui eſt nobis aequalis efficiatur maior. Ad quod facit quod ordinarie iniuidia contingat inter aequalē, aut eos qui fere aequalē reputantur.

Iam iniuidiam peccatum eſſe ſuo genere mortale poſt D. Thomam Nauarr. in Enchir. cap. 23. num. 118. probat; quia eſt contra charitatem inclinante ad gaudendum de quolibet bono proximi prout eſt ei bonum. Ex accidenti vero peccatum eſtit tantum veniale; tum quando plenus conſenſus voluntatis defuerit: ut in lubit, & fere naturalibus moribus, quibus homo triftatur de bono proximi ſibi aequaliſ: tum quando bonum proximi de quo quis triftatur, leue eſt: ut accidit pueris, qui in leuibus ſolent ſui ſocijs iniudicare.

Inter peccata autem capitalia numeratur iniuidia eo quod parat quinque alia, prout D. Thomas in cit. quæſt. 36. art. 4. declarat. Primum eſt, odiu proximi de quo in praecedenti ſecto ſecundum, ſuſuratio, per quam occule, tertium detracitio, per quam manifeſte, proximo bona fama auferunt, de quibus dicendum eſt ſuo loco in ſequenti lib. 24. quartum eſt gaudium in aduersis proximi: quinque afflictio in propriebus eiusdem: volendo ea non accidere, deſiderando aut etiam conando eam impediſtre; quod utrumque peccatum, eſt mortale, eadem ratio hec qua ipſa iniuidia: cum qua ſic conuenient, ut vel idem ſint vel cum ea coincidere cenſeantur: vel certe aequaliſſime coniungi, iuxta doctrinam D. Thomæ in fine ciati art. quarti.

De discordia & contentione.

S E C T I O N E IV.

EX charitate in proximum animos coniungente, nascitur pax, de qua D. Paulus dat preceptum, inquiens ad Rom. 12. Quod in vobis eſt cum omnibus hominibus pacem habentes & in 2. ad Corinth. 13. Idem sapit, pacem habete. Quod quidem preceptum prout affirmatum eſt, iniungit primum conſentem iudiciorum, ſermonum & actionum. Prout autem includit negatiuum, prohibet discordiam malam, tunc contingente, cum quis voluntate ſua discordat à voluntate alterius, cui conſentire deberet.

Valery Par. III. Tom. 2.

Vbi aduerte, quod quando quis ratione mouetur ad voluntari ſuum commōdum, nec eſt in iuſtificare alteri iniuriam, nec per ſe vult in commōdum ipſius, diſcordando ab eo; non peccare & bonum finem ſibi proponat, nec notendi intentionem habeat. Ad diuersa vero vitia pertinere potest mala diſcordia: Nam quia ex lege obedientia ſubditus tenetur voluntatem ſuam conforſare cum voluntate Superioris: ſi diſcordet, peccat immediate contra obedientiam. Similiter debitor quando tenetur ex iuſtitia conſentire cum creditore, diſcordans peccat proxime contra iuſtitiam; & ſic de alijs.

Contra charitatem vero ſpecialiter erit diſcordia, quando obligatio concurſandi cum proximo, fuerit ex ſolo vinculo charitatis: vt ſi proximus vult bonum aliquod obtineſi ſibi neceſſarium aut valde utile, & ego line rationabiliter ea uia velim ac diſiderem illum impediſtre. Tale quid enim, cum de ſe ſit iuſſiens ad diſſoluendam amicitiam, etiam ſi nullum damnum infeſt, repugnat charitati. Ceterum quando diſcordia oritur, ut ipſe fit, ex odio vel iniuidia, induit eiūſmodi cauſa malitiam, quæ eft ſuo genere mortalis. Orta vero ex ſola animi libidine, conſulendo propriæ uitilitati aut voluptati, nec intendendo alterius detrimentum, potest à mortali exculari: quia ſicut non teneor ſub mortali ſubuenire proximo extra grauem neceſſitatē ipſius: ita nec teneor cum voluntate ipſius conſentire, nec ab ea diſcordare, niſi eſt inde conſtituatur in aliqua graui neceſſitate.

Iam ex diſcordia contemptio oritur, quæ mala eſt pro eiusdem malitia. Contingit autem in contrarietate iudiciorum, & verborum. Ac de contrarietate iudiciorum, notandum eſt primo, cam non alie in trinſece malam: quia cum veritas non ſit ſemper maniſta hominibus, licet eis ex probabiliſ rationibus conteraria iudicare. Secundo, eam eſſe malam, & ad hærem spectare, ſi cōtendatur animo contradicendi iuſtis qui ſunt de fide tenenda. Tertio, malam eſſe, quando contendendo, iudicatur tenere, & ſine ſufficienti conſideratione. De cuius malitia grauitate iudicandum eſt ex periculo docendi falſum, dandiq; occaſionem labendi in peccatum, aut incurrendi in aliud incommōdum. Quarto, eam ſpecialiter eſſe contra charitatem, cum quis direcťe & ex intentione vult aliquid iudicare, ut alteri contradictione: quia ratione malam quoq; eſſe, dubium non eſt: cum tale quid irrationabile ſit, ac conteraria coniunctioni animorum, in qua conſtituit amicitia, ex charitate naſcentis. Quanquam quia non eſt de ſe grauiſſio charitatis, videri potest nec eſſe de ſe peccatum plus quam veniale.

De contentione autem in verbiſ: notandum eſt primo, non eſſe malam ſi diſputationis gratia & ſurpetur & modus ſeruitur: viſitata eſt enim in ſcholis nemine reprobante. Secundo, nec malam eſſe ſi fiat ſuo tempore loco, & modo, animoque defendendi veritatem contra falſum alterius dictum, prout explicat Thomas 2. quæſt. 38. art. 1. Eſſe autem, ex eodem D. Thom. ibidem, peccatum luo genere mortale illam, qua falſum defendit animo contradicendi alteri, cum graui ipſius iniuria. Cum enim id de ſe ſufficiat ad diſſoluendam animorum coniunctionem, dirimendamque amicitiam, habet coniunctam charitatis laſionem grauem, quæ mortalis eſt, niſi defectus pleni conſensus voluntatis eam excedat.

T R A C T A T U S IV.

De religione, & virtutis ei contrariis.

Religio ante conſideratis Theologicis virtutibus, proxime ſubiungenda eſt; tum quia eſt præſtantissima omnium moralium virtutum ut ostendit D. Thom. 2.2. quæſt. 8. art. 6. tum quia ad eam ſpecialiter pertinet primum De calogi preceptum, in quo verba ſunt. Ampliſſima autem eſt haec materia, quam D. ipſe Thomas periequitur ab eadem quæſt. 81. ad 100. Considerabimus autem quantum ad institutum noſtrum ſufficit primo ſpectantia ad ipſam religionem: deinde vero tum in ſpecie ſpe- & tantia ad vitia ei con- traria.